

Documents

Il document presentaus el cudisch ei in **document da pergameina**. El ei vegnius screts cun **plema e tenta**. El temps medieval e per part aunc suenter 1500 vegnevan singuls texts impurtonts screts sin pergameina per ch'ins sappi tener si els pli ditg.

In document attesta in act giuridic: cumpra, vendita, emprest da daners ni schar vi terren. In tal document numnavan ins el temps medieval ina "**brev**". En quellas brevs vegneva p.ex l'altezia dils tscheins fixada.

Il **scribent** dil document era, sco quei ch'ins suppona, il scarvon dil cumin da Tavau. En cumins pli pigns haveva pli probabel era il plevon la funcziun da scarvon.

El Grischun dil nord vegnevan ils documents screts en tudestg, el Grischun dil sid en latin.

Ils documents vegnevan segirai cun in sigil. El 15avel e 16avel tschentaner fixavan ins il sigil da tschera sin ina sdrema da pergameina e pendeve quella vid il document. Pli tard smaccavan ins il sigil directamein sin il document.

Tier il document el cudisch ei il sigil scarpaus naven. Ins vesa mo aunc la ruosna nua che la penda cul sigil era fermada.

El Grischun dil nord haveva il mistral, q.v.d. il cau e derschader da quei cumin, la funcziun dil **sigillader**. El Grischun dil sid era il notar che haveva scret ils documents el medem temps il sigillader.

1. *Noda sil fegl la significaziun dils plaid screts grass!*

2. *Scriva entgins plaid dil document el cudisch per scolars cun plema e tenta.*

Il material che ti drovas:

*ina plema d'in cign, d'ina auca ni d'in galdin (plemas da gaglinas ein buc adattadas) tagliada ella dretga fuorma
tenta, tusch ni tenta ferrogallica
pupi ni pergameina (custeivel)*



Pensum supplementar

- *Scriva tez in document, gl'emprem cun rispli, suenter cun stilograf ni plema!
S'imagina che ti empresties in object ad ina conscolara. Sco cunterprestaziun survegnas ti enzatgei auter. Ponderescha gl'emprem tgei che ti vul scriver! Alla la fin sas ti era "sigillar" la brev.*